

საყოფაცხოვრებო ნარჩენების გატანის მომსახურების გადახდის თაობაზე

ქ.ახალციხე

05.02.2021 წელი

ერთის მხრივ, "ახალციხის მუნიციპალიტეტის მერია" (ს/კ:224101317), შემდგომში „შემსრულებელი“, წარმოდგენილი ეკონომიკური სამსახურის ხელმძღვანელის, ილია ზარდიაშვილის სახით და მეორეს მხრივ სს „საქართველოს სახელმწიფო ელექტროსისტემა“, (იურ. მისამართი: ქ. თბილისი ბარათაშვილის ქ.#2 , ს/კ: 204995176) წარმოდგენილი მმართველთა საბჭოს წევრის დავით ვარდიაშვილის (მინდობილობა #200878077) სახით, შემდგომში „დამკვეთი“.

„დამკვეთი“ და „შემსრულებელი“ შემდგომ ტექსტში ერთობლივად მოხსენიებულია როგორც „მხარეები“.

მუხლი 1. ხელშეკრულების საგანი

1.1. ამ ხელშეკრულებით გათვალისწინებული მომსახურება (CPV კოდი:90510000) მოიცავს „შემსრულებლის“ მიერ საყოფაცხოვრებო ნარჩენების გატანის უზრუნველყოფას „დამკვეთის“ სარგებლობაში არსებული ტერიტორიიდან (სსე-ს "ახალციხის 500/400/220" რეგიონალური ქსელის ქვესადგურიდან, ქ. ახალციხე, სოფ. ზიკილია "ჰარალოს" ტერიტორია).

მუხლი 2. მომსახურების ანაზღაურების წესი და პირობები

2.1. ამ ხელშეკრულების შესაბამისად გაწეული მომსახურებისათვის „დამკვეთი“ „შემსრულებელს“ გადაუხდის 1მ³ საყოფაცხოვრებო ნარჩენის გატანაზე 20(ოცი) ლარის (დღგ-ს გარეშე) ოდენობას.

2.2.წინამდებარე ხელშეკრულება დადებულია სახელმწიფო შესყიდვების შესახებ საქართველოს კანონის 10¹ მუხლის მე-3 პუნქტის ზ) ქვეპუნქტის (დასუფთავების მოსაკრებელი) და ასევე ახალციხის მუნიციპალიტეტის საკრებულოს 2017 წლის 22 დეკემბრის N29 დადგენილების შესაბამისად.

2.2. ანგარიშსწორება განხორციელდება თვეში ერთხელ, ყოველი მომდევნო თვის 20 რიცხვამდე, ფაქტიურად გაწეულ მომსახურებაზე მიღება-ჩაბარების აქტის გაფორმებიდან და შესაბამისი დოკუმენტაციის წარმოდგენიდან 10(ათი) კალენდარული დღის განმავლობაში შემდეგ რეკვიზიტებზე: ბანკის კოდი TRESGE22, ფინანსთა სამინისტროს სახაზინო სამსახური; დასუფთავების მოსაკრებელი, კოდი – 300883189;

მუხლი 3. მხარეთა უფლებები და მოვალეობები

3.1. „დამკვეთი“ უფლებამოსილია:

- მოთხოვოს „შემსრულებელს“ ამ ხელშეკრულებით გათვალისწინებული ღონისძიებების შესრულება გულისხმიერად, ხარისხიანად და შეთანხმებული პირობების დაცვით;

3.2. „დამკვეთი“ ვალდებულია:

- აუნაზღაუროს „შემსრულებელს“ მომსახურების ღირებულება ამ ხელშეკრულებით დადგენილი წესით და პირობებით;

3.3. „შემსრულებელი“ ვალდებულია

- ამ ხელშეკრულებით გათვალისწინებული მომსახურება განახორციელოს საკუთარი პერსონალის მეშვეობით გულისხმიერად, ხარისხიანად და მოქმედი ნორმატივების დაცვით,

3.4. „შემსრულებელი“ უფლებამოსილია

- მოითხოვოს მომსახურების ღირებულების ანაზღაურება იმ პირობებითა და ოდენობით, რაც დადგენილია ამ ხელშეკრულებით;

- მომსახურების ღირებულების გადახდის დაგვიანების შემთხვევაში დამკვეთს გაუგზავნოს გაფრთხილების წერილი და აცნობოს გადაუხდელობის შემთხვევაში მოსალოდნელ შედეგებზე.

- მოთხოვოს „დამკვეთს“ სრულად დაიცვას დადებული ხელშეკრულების პირობები.

- გასაწევი მომსახურების ვადაა ხელშეკრულების გაფორმებიდან 12 (თორმეტი) თვის განმავლობაში. ყოველთვიურად, არანაკლებ 1მ³ საყოფაცხოვრებო ნარჩენის შეგროვებიდან „დამკვეთის“ მიერ წერილობითი, ან სატელეფონო ან ელექტრონული ფოსტის საშუალებით გაგზავნილი შეტყობინების შესაბამისად.

მუხლი 4. ფორს - მაჟორი

იმ შემთხვევაში, თუ მთლიანად ხელშეკრულების ან რომელიმე სახელშეკრულებო ვალდებულების შესრულება შეუძლებელია ან შეუძლებელი გახდა ისეთი გარემოებათა გამო, რომელზეც ხელშეკრულების მხარის კონტროლი არ ვრცელდება, კერძოდ, ხანძარი, აფეთქება, ეპიდემია, ქარიშხალი, მეწყერი, წყალდიდობა ან ნებისმიერი სხვა მსგავსი სახის ბუნებრივი მოვლენა; ომი, სახელმწიფო თუ სამხედრო გადატრიალება, სამოქალაქო არეულობა, ბლოკადა ან სხვა მსგავსი სახის მოვლენა ან ნებისმიერი ისეთი გარემოება, რაც საქართველოს კანონმდებლობის თანახმად ითვლება ფორს-მაჟორული ხასიათის მქონედ, მაშინ ასეთი მხარე განთავისუფლდება ხელშეკრულებით, ან მოქმედი კანონმდებლობით განსაზღვრული პასუხისმგებლობისაგან ფორს-მაჟორული გარემოების მოქმედების მთელი დროის მანძილზე. ამასთანავე, ასეთი მხარე დაუყოვნებლივ აცნობებს მეორეს ფორს-მაჟორული გარემოების დადგომის შესახებ, ყოველგვარ ძალისხმევას მიმართავს მსგავსი გარემოების თავიდან ასაცილებლად და ფორს მაჟორული გარემოების მოქმედების შეწყვეტისთანავე დაუყოვნებლივ განახლებს ხელშეკრულებით ნაკისრი ვალდებულებების შესრულებას.

მუხლი 5. ხელშეკრულების მოქმედების ვადა

5.1. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედების ვადა განისაზღვრება **30.04.2022წლის ჩათვლით**. თუ კი ხელშეკრულების ვადის ამოწურვამდე ერთი თვით ადრე მხარეები არ გამოთქვამენ სურვილს შეწყვიტონ ხელშეკრულება ან ცვლილებები შეიტანონ მასში, იგი ავტომატურად გრძელდება იგივე ვადით და პირობებით. აღნიშნული გაგრძელების მექანიზმი მოქმედებს ვადის ყოველი ამოწურვისას.

5.2. ხელშეკრულების ვადამდე ადრე შეწყვეტა შეიძლება მოხდეს მხარეთა შეთანხმებით ან კანონმდებლობით გათვალისწინებულ სხვა შემთხვევებში 30 დღით ადრე, წინასწარი შეთანხმებით;

5.3. ხელშეკრულების შეწყვეტა არ გულისხმობს იქამდე განხორციელებული თუ დაგეგმილი საქმიანობის კონფიდენციალურობის დაუცველობას.

5.4. „დამკვეთს“ უფლება აქვს ცალმხრივად შეწყვიტოს ხელშეკრულების მოქმედება, თუ „მემსრულებლის“ მხრიდან ადგილი ექნება ამ ხელშეკრულებით მისი პირობების შეუსრულებლობას.

მუხლი 6. მარეგულირებელი სამართალი და დავათა გადაწყვეტა

6.1. წინამდებარე ხელშეკრულება რეგულირდება საქართველოს კანონმდებლობის შესაბამისად.

6.2. მხარეთა შორის არსებული დავა წყდება ურთიერთშეთანხმებით.

6.3 შეუთანხმებლობის შემთხვევაში მოქმედი კანონმდებლობის შესაბამისად დავას წყვეტს საქართველოს სასამართლო.

მუხლი 7. სამართალმემკვიდრეები და უფლებამონაცვლეები

წინამდებარე ხელშეკრულების დებულებები ცალსახად და უპირობოდ ვრცელდება ამ ხელშეკრულების მხარეებზე და მათ შესაბამის სამართალმემკვიდრეებსა და უფლებამონაცვლეებზე.

მუხლი 8. დასკვნითი დებულებები

8.1. წინამდებარე ხელშეკრულება წარმოადგენს მასში მითითებულ საკითხთან დაკავშირებით მხარეთა შორის გაფორმებულ ერთიან და მთლიან ხელშეკრულებას, რომელიც ცვლის მხარეთა შორის არსებულ საკითხთან დაკავშირებით მანამდე არსებულ ნებისმიერ შეთანხმებას.

8.2. იმ შემთხვევაში, თუ წინამდებარე ხელშეკრულების რომელიმე დებულება ჩაითვლება არაკანონიერად, ამგვარი დებულების ძალის დაკარგვა ზემოქმედებას არ მოახდენს წინამდებარე ხელშეკრულების სხვა დებულებების ქმედითობაზე.

8.3. წინამდებარე ხელშეკრულებაში დამატებების და/ან ცვლილებების შეტანა შესაძლებელია მხოლოდ მხარეთა შეთანხმებით. ამასთან, ცვლილება ან დამატება შესრულებული უნდა იყოს წერილობით და სათანადოდ ხელმოწერილი მხარეთა მიერ.

8.4. წინამდებარე ხელშეკრულების ყველა შესაძლო დანართი შეადგენს ამ ხელშეკრულების განუყოფელ ნაწილს და აღსრულება წარმოებს მოცემული ხელშეკრულების ყველა დანარჩენ პირობასთან ერთად.

8.5. ხელშეკრულება ძალაში შედის მხარეთა მიერ ხელმოწერისთანავე.

8.6. ხელშეკრულება შესრულებულია ქართულ ენაზე.

IX. შესყიდვის ობიექტის მიღება-ჩაბარების წესი

9.1 გაწეული მომსახურების მიღება განხორციელდება ყოველთვიურად, ფაქტიურად გაწეულ მომსახურების მიხედვით შესაბამისი მიღება-ჩაბარების აქტის გაფორმებით.

9.2 მომსახურების მიწოდებისას “შემსყიდველის” მიერ წინამდებარე ხელშეკრულების 10.2 ქვეპუნქტით განსაზღვრული პირი ამოწმებს გაწეული მომსახურების შესაბამისობას წინამდებარე ხელშეკრულების პირობებთან, ხარვეზების (წუნდების) არ არსებობის შემთხვევაში ფორმდება მიღება-ჩაბარების აქტი ფაქტიურად გაწეული მომსახურების მიხედვით „შემსყიდველსა“ და „მიმწოდებელს“ შორის.

9.3 მიღება-ჩაბარების აქტის ხელმოწერაზე უფლებამოსილ პირად განისაზღვრა სსე-ს შესაბამისი მმართველთა საბჭოს წევრი ან/და შესაბამისი დეპარტამენტის უფროსი.

X. ხელშეკრულების შესრულების კონტროლი

10.1. “შემსყიდველს” უფლება აქვს განახორციელოს კონტროლი “მიმწოდებლის” მხრიდან ხელშეკრულებით გათვალისწინებული ვალდებულებების შესრულების მიმდინარეობაზე.

10.2. ხელშეკრულების შესრულების კონტროლს “შემსყიდველის” მხრიდან უზრუნველყოფს სს “საქართველოს სახელმწიფო ელექტროსისტემის” “ახალციხის 500/400/220” ახალციხის კონვერტორული სადგურის უფროსი ამირან ტყეშელაშვილი.

XI. მხარეთა იურიდიული რეკვიზიტები

„დამკვეთი“

სს“საქართველოს სახელმწიფო ელექტროსისტემა”
ქ. თბილისი ბარათაშვილის ქ.#2

ს/ს „თი ბი სი ბანკი“
საიდ. კოდი: 204995176

ბანკის კოდი: TBCBGE 22
ანგარიში: # GE02TB0600000102467636

დავით ვარდიაშვილი
მმართველთა საბჭოს წევრი

„შემსრულებელი“

„ახალციხის მუნიციპალიტეტის მერია“ (ს/კ)224101317

მის: ქ. ახალციხე, კოსტავას ქ. N18

სახაზინო კოდი 300883189
ფინანსთა სამინისტროს სახაზინო სამსახური-
დასუფთავების მოსაკრებელი
ბანკის კოდი TRESGE22

ილია ზარდიაშვილი
ეკონომიკური სამსახურის ხელმძღვანელი